



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus IV. De actione ad divorcium à thoro, & cohabitatione?

[urn:nbn:de:hbz:466:1-73058](#)

ARTICULUS IV.

De actione ad divortium à thoro,
Et cohabitatione?

1571. De Judeice competente, quando agitur ad divortium à thoro, & cohabitatione, actum est à num. 1505, quæ actio competit innocentia, quando agit ad divortium ex alterius adulterio? à num. 1484. Hinc sequitur, si vir intentet actionem ad poenam sanguinis, agendum esse coram Judge seculari; si autem ad alias poenas, coram seculari, vel Ecclesiastico. Ratio primi est ex c. sententiam sanguinis. Necessaria, vel Monachi, & c. Tua. de Procuratibus. Ratio secundi est, quia adulterium est delictum mixti fori; sic Julius Clarus lib. 5. receptarum §. fin. q. 37. n. 3. Sanchez lib. 10. D. 8. n. 16. Si tamen innocens civiliter agat ad separationem, thori, & amissionem dotis, actionem instaurare debet coram Judge Ecclesiastico; quia agitur de dissolvenda obligatione matrimonii, in qua causa solus Judge Ecclesiasticus competens est, ut colligitur ex c. Tua. de Procurat. & c. i. Utile, non contestata, in quo textu specialiter observandum, in dicto c. statui: si agatur de adulterio ad separationem thori, & ante litis contestationem Reus est contumax, illum posse excommunicari, non tamen refutes recipi, vel causam definiri.

1572. Quæstio tamen est 1. an innocens possit ad actionem criminalem transire, postquam intentavit civilem? Resp. non tantum pendente judicio, seu lite, super una actione, sed etiam eā finitā, non liceat transire ad alteram. L. unic. C. quando civilis actio criminali prejudicat; quia utrumque judicium ad idem tendit, minimum ad punitionem adulterii, vel privando potestate petendi debitum, dotisque amissionem; vel poenam mortis imponendo; ita Sanchez cit. lib. 10. D. 8. à n. 19.

1573. Quæstio est 2. à quo, pendente lite super divortio, Uxori præstandæ sint expensæ, ac alimenta? Resp. à viro, licet in adulterii causa contra illum agat; id, quod etiam procedit, si vir vel civiliter, vel criminaliter contra illam agit: quia, lite pendente, nihil est innovandum; quod limitat Sanchez lib. 10. D. 8. num. 28. ut non procedat in foro conscientiæ, si Uxor adulterium notorium sit.

Tom. IV.

Not. tamen, datam responsionem. 1574.
(quoad alimenta Uxori præstanta à Viro)
si fugiat ab ejus domo propter metum, quem habet, quod male tractabitur ab illo causâ adulterii suspiciati, non procedere, si ipsa causam dedit huius suspicioni; quia tali casu non tenetur illam extra domum alere: sic Farinacius lib. 4. q. 143. num. 45. quod verum puto, si suspicio sit fundata, & vir in ea male tractanda non timeretur meritò excessurus graviter. Si autem Uxor legitimè accusata, falsis probationibus se defendat, marito solum restituere tenetur expensas litis; quia in his eum injustè damnificavit. Bona vero reliqua, quæ marito dare debuisset sententiæ secutæ, cum ei debita non sint, nisi post sententiam, hac impeditæ, non tenetur tradere; quia per injustum sententiæ impedimentum non viro, sed Republicæ, & iudicio publico injuriam fecit. Sic Navarus in Manual. c. 18.

Et quoniā dotis amissio est poena adulterii. c. penult. de Donationibus inter virum & Uxorem. L. consensu §. 1. C. de Repudiis: Reus autem non teneatur poenam subire, quoisque sententia, saltem declaratoria criminis accedat, ut diximus lib. 1. Decret. de constitut. Sequitur, virum, qui ab Uxore causâ adulterii se separavit, teneri ad reddendam illi dotem, si mulier in casu, priori numero proposito, per nullam sententiam de adulterio condamnetur,

ARTICULUS V.

De consequentibus divortium thori,
Et cohabitationis?

Quæstio est 1. an innocens, facto 1575.
divortio, dimissum teneatur recipere?
Resp. quod possit, si velit, alteri reconciliari; non tamen teneatur, etiam altero emendato, cum adulterium sit causa perpetui divortii. Hinc quando in c. Ego dixi. 34. q. 1. & 2. dicitur: si vir non repetit suam Uxorem, jam penitentem, peccatum intelligitur, si non repetit ex odio; non autem, si jure divortii: vel, si sine incommmodo possit, non repetit in periculo incontinentiæ versantem. Et ideo in aliis textibus contrariis, quibus dicitur, quod penitentem recipere debet; agitur

Ddd 2

de